

## 01 公園

### 游勝榮

這站仔，阮兜附近的榮星公園實在是有夠鬧熱的啦！新的設施，毋但有規大片的塑膠地毯、一大窟的幼沙仔，閣有增加誠濟好耍的物件，親像講上蓋新型的趨流籠、空中行吊索、吊雙環啦.....，有幾若項，攏是囡仔人上恰意耍的。

這層予人歡喜的代誌，電視新聞嘛有報過幾若擺。來遮耍過的人閣常在佇網路頂懸食好鬥相報，無論是遠路抑近路、大漢抑細漢，誠濟人攏會曉欲弄囡仔來遮迫迫，逐個攏嘛耍甲歡頭喜面笑哈哈。

若是拄著歇暍日仔，彼誠實會驚倒人，會使講是人山人海、考秫秫，有當時仔連欲倚都強欲揣無位。有一半个仔閣較古錐，規氣共『thiàn-tooh』順繼紮來。就按呢，大細漢囡仔食晝、睏晝攏佇遮做一擺解決，真正是一兼二顧，有夠心適！

會記得做囡仔的時陣，和厝邊隔壁的囡仔伴耍的，若毋是拍干樂、擲珠仔、搵尪仔標，就是灌杜猴、欲蝶仔、釣四蛟仔，有的無的，耍法是加偌趣味咧，哪有像這馬的都市囡仔，會當耍的極加嘛是遮的遊樂設施爾，看著一點仔趣味都無。是講囡仔有通耍就好，一時風駛一時船，時代咧變、囡仔的耍法咧變，咱的想法嘛愛綴咧變，若無，是會予人笑咱是老古板呢！

## 02 好食好耍的四秀仔

張逸嫻

百百款的四秀仔會啱人的目睇，嘛會予人喺瀾流無歇，毋過一人興一項，無人興相仝。細漢的時陣，阿母講四秀仔攞是糞埗食品占較大頭，會礙著三頓的食食，致使阮兜真少買四秀仔，嘛真罕得食。

有一擺阮參加歇熱的營隊，佇上尾彼節課，老師送阮一人一條曼陀珠，收著這份意外的禮物，所有的學員攞暢甲袂顧得。

轉到厝我緊猛共外口的包裝紙裂開，擘一粒若親像真珠的糖仔囷入去喺。甜甜脆脆的外皮，輕輕仔咬落去，殼隨必開，連哺幾若下了後，軟軟飭飭的餡，有一陣一陣酸 bui 仔酸 bui 的芳味直透對舌尾衝入來頭殼內底。彼種會了袂盡的爽快是我出世到今毋捌拄過的。

自按呢，見若阿爸欲去買物件的時，我攞會姑情伊共我買曼陀珠。阿爸就共我點醒講：「食少有滋味，食濟無趣味，毋通食傷濟喔！」

我想講食好鬥相報，就共同學展寶講這項好食物，同學煞顛倒教我曼陀珠會當做噴水泉！我心內實在真好玄，就招阿爸同齊來試看覓。阮照網路教的步數憑頭來，上落尾才共曼陀珠擲入去。哇！真正無咧歎雞胗！雖罔進前就知影水會噴真懸，見真猶是掣一逃，對頭到尾有影好耍甲會反過呢！

## 03 菜市仔

陳沛彤

猶會記得細漢的時，阿媽兜樓跤就是菜市仔，逐擺我若轉去阿媽兜，透早就會予喝賣的聲吵起床，我若起來，阿媽就會招我做伙去買菜。伊講若較早去市場，就有較濟物件通好揀，買著的肉嘛較嬌，毋免買別人揀賸的。

菜市仔真鬧熱，除了青菜、魚肉佱果子，市場嘛會賣一寡仔較傳統的喙食物仔。我誠愛惹菜市仔，尤其是佱阿媽做伙，除了逐擺攏會有好空的以外，伊嘛會教我按怎揀夠分的果子或者是當咧大出的青菜。阿媽閣共我講，買菜就是愛會曉佱頭家盤擱，毋管有共頭家買物件無，攏愛相借問。頭家的心情若好，你共買物件無的確就會算你較俗，順繼閣送你幾瓣仔蒜頭。

綴阿媽去菜市仔的時間若倚晝，阮兩個大粒汗、細粒汗，腹肚嘛朽矣，阿媽就弄我去食礮冰。礮冰一下捧來，我佱阿媽一人一喙，拄才買菜的辛苦袂輸綴冰做伙消散去，毋但食甲透心涼，閣食著一種幸福的滋味。

阿媽這馬愈來愈有歲矣，自從阿媽搬厝了後，已經誠久毋捌佱阿媽做伙去惹菜市。逐擺佱阿媽開講，若是講到遮，阮攏會足歡喜，頭殼內攏是較早阿媽牽我的手，做伙惹菜市仔佱食冰的畫面。希望以後有機會，會使換我弄阿媽去惹菜市仔。